

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Articvlvs V. Vtrum diabolus in primo instanti suæ creationis fuerit malus
per culpam propriæ voluntatis. art. 5.

[urn:nbn:de:hbz:466:1-73915](#)

cepto aliquo innovisso: quia satis probabile existimo id, quod Durandus, & Catharinus locis citatis & Caietanus in illud Genet. 2. De ligno scientia boni & mali ne comedas, arbitrantur, Deum scilicet, quod magis exerceret angelos, periculumque de fidelitate eorum sumere, præceptum positum eis imposuisse: non secus ac primis parentibus in eundem finem præceptum positum imposuit.

7. Conclusio.

Septima conclusio. Sententia illa alia Catharini & aliorum, specie aliqua probabilitatis non careret: tametsi minus probabilem, quam sententiam D. Bonaventurae, eam existimem. Tum quod certum non si angelis, dum fuerint in via, factum fuisse revelationem de mysterio incarnationis futuro, ut q. 17. art. 5. in ea ce disputationis 2. dictum est. Tum etiam quoniam, esto facta eis esset ea reuelatio, non constat illam fuisse occasionem ruinæ Luciferi, nec id sonant Scriptura sancta. Tum denique quoniam, qui arbitrantur id occasionem ruinæ Angelorum præbuisse, ferè omnes contendunt, Verbum divinum assumptum fuisse naturam humanam, esto Adamus non peccasset, Christumque redemptorem esse non solum hominum, sed etiam Angelorum, ac proinde tam Angelis, quam primis parentibus in statu innocentiae, collatam fuisse gratiam meritis Christi. Primum autem horum duorum dubium omnino est, probabilitusque videretur contrarium, cum sit dictis sanctorum Patrum, & Scriptura sacra conformius. Secundum verò non dubito, quin sit falsum. Quia de te tamen alio in loco dicendum est.

Ad 1. argu.
pro opinioni
Catharini.

Vnde respondentum est ad argumenta, quibus sententia Catharini confirmabatur. Ad primum iam respondimus q. 61. art. 3. Quo loco animaduertere argumentum illud apud autores contraria sententia non aliter vim habere, quam affero, Angelos ante mundum corporeum fuisse creatos. Nec desunt, qui studio stabiliendi opinionem Catharini, affirant post definitionem Concilij Lateranensis posse id sine vita temeritate defendi.

Ad 2. Ad secundum dicendum est, videri ridiculum quod in eo argumento asseritur, nimirum adverbium iterum, eum sensum illo in loco efficeret. Sensus enim legitimus est unus è tribus sequentibus. Cum unigenitus Dei filius, quatenus Deus, semper fuerit in mundo, iuxta illud Ioan. 1. In mundo erat, & mundus per ipsum factus est, cœpit iterum, quatenus homo esse novo quodam modo in mundo per mysterium incarnationis, iuxta id quod subiungit Iohannes: In propria venit, & sui eum non receperunt. Atque hoc est, quod dicit Paulus: Cum Pater aeternus iterum introducit primogenitum in orbem terræ, id est, per mysterium incarnationis introducit primogenitum, vt sit iterum nouo quodam modo quatenus est homo, in orbe terra, dicit ad Angelos, ut eum, quatenus homo est, adorent, eo quod simul sit verus Deus. Sensus hic est Chrysostomi, Ambrosij, & multorum aliorum ad eum ipsum locum Pauli. Secundus est, Cum iterum introducit primogenitum in orbem terra, per beatæ Virginis partum, præcepit Angelis, vt adorent eum. Facta quippe est in nativitate Christi multitudo cœlestis exercitus Laudantium Deum, vt habetur Luca 2. Tertius est: Cum iterum introducit primogenitum, non iam passibilem, vt in die incarnationis, sed gloriosum per resurrectionem qua natura humana Christi iterum incepit esse, dicit: Et adorent eum omnes angeli eius. Hic sensus est etiam Chrysostomi, & Ambrosij.

Ad 3. Ad tertium dicendum est, sensum illorum verborum, iuxta Augustinum in illa eadem verba, &

A 11. Super Génesim ad literam cap. 16. & cōmunem expositionem Sanctorum, hunc esse: Ille homicida erat ab initio mundi, generis humani, quando inuidia, suasionēque illius, mors introiit in orbem tetrarum, genūque humanum morti obnoxium reliquit. At quoniam tunc peccato Adami id tantum obtineat potuit, vt iuxta cursum naturæ, variisque rerum eventus singuli homines morerentur, cum tamen longè plus optasseret, citius que singulos homines, si id obtinere posset, perdere voluisse, de Pharisæis, mortem Christi machinantis, dicebat idem Christus, illos desideria diaboli, quæ ab initio habuit, velle perficeret: idemque de quocumque alio, qui simili modo mortem alicui alteri machinaretur, posset merito dici.

Ad quartum, conclusione quinta explicatum est, quem sensum verba illa Isaiae habeant.

ARTICVLVS IV.

Vtrum aliqui demones sint naturaliter mali.



ONCLVSI negat aduersus eos omnes quos q. 44. art. 1. retulimus, eliq[ue] fidei. Patet ex illo Genesim 1. Vnde bona. Ezechielis 28. Tu signaculum similitudinis Dei, plenus sapientia, & perfectus decoro, in deliciis paradisi Dei fuisti. Et sequitur: Tu Cherub extensus, & protensus, & posui te in monte sancto Dei, in medio lapidum ignitorum (id est, Angelorum ardentiū caitate) ambulasti, perfectus in viis tuis à die conditionis meae, donec inuenta es iniquitas in te. In Concilio Lateranensi 2. cap. Firmiger, de summa Trinitate, & fide Catholica: Diabolus & alij demones à Deo quidem natura creati sunt boni, sed ipsi per se facti sunt mali. In Carthaginensi 4. cap. 1. inter alia fidei dogmata, in quibus ordinandus in Episcopum examinari præcipitur, vnum est, num credat, diabolum non per coniunctionem sed per arbitrium, factum esse malum. In Concilio Bracharense 1. Si quis dicit diabolum non fuisse prius angelum bonum à Deo factum, anathema sit. Leo 1. epistola 9. ad Turibium Africensem Episcopum cap. 6. Sexta adnotatio indicat eos (Pitilianistas videlicet) dicere, quod diabolus numquam fuit bonus, nec natura eius opificium Dei sit, sed eum ex chao & tenebris emanasse, quia scilicet nullum sui habeat auctorem, sed omnis mali ipse sit principium, atque substantia. Cum fides vera, que est Catholica, omnium creaturarum, sine spiritualium, siue corporalium bonam constitutam substantiam, & mali nullam esse naturam: quia Deus, qui universitas est conditor, nihil non bonum fecit: unde diabolus bonus est, si in eo, quod facilius est permaneret, sed quia naturalis excellentia mali ejus est, & in veritate non sterit, non in contrarium transiit substantiam, sed à summo bono, cui debuit adherere, desinat.

ARTICVLVS V.

Vtrum diabolus fuerit malus in primo instanti sue creationis per culpam propriæ voluntatis.



OMMVLNT sententia Theologotum est, Angelos malos non peccasse in primo instanti sue creationis. Et quoniam contrarium non sit error ille Manichaorum, quod diabolus suæ naturæ sit malus, articulo p[ro]cedente impugnatus, vt Augustinus 1. de Civitate Dei c. 13. notauit: nihilominus vt D. Thomas hoc

loco ait, à Doctoribus merito id celeretur errorem: nec desunt qui affirmant, à Doctoribus Parisiensibus fuisse ut errorem in fide damnatum: id quod sufficienter probant testimonia illa omnia Scripturarum, quibus questione precedente art. 3. ostendimus, illos creatos fuisse in gratia, item illud Concilij Bracharentis, & Leonis i. art. precedente citatum.

An potuerunt peccare ex primo instanti.

Opinio D. Thomas & aliorum. Solum vocatur in controuersiam, num dæmones & cæteri Angeli in primo instanti in quo creati sunt peccare potuerint. D. Thomas & Caetanus hoc loco, Capitulo in 2. d. 4. q. 1. concl. 4. Ferrariensis 3. contra gentes c. 16. & 4. contra gentes c. 95. Richardus in 2. dist. 3. art. 8. q. 2. & Durand. dist. 5. q. 2. Argentinas dist. 6. art. 2. & quidam alij amplectuntur partem, quæ negat, quam probant. Primo, quoniam operationem, quæ incipit cum re, cuius est operatio, convenit ei à generante seu producente, à quo producitur, ut motus sursus conuenit igni à generante: sed Deus, qui Angelis cœlum est per creationem, non potest esse causa peccati: ergo nulla operatio elicita ab Angelo in primo instanti potuit esse peccatum, atque ad eo Angelos peccare non potuit in primo instanti. Hæc est ratio D. Thomas hoc loco.

Secundo. Secundò, omnes Angeli sunt creati à Deo in gratia, ut quæst. precedente artic. 3. ostensum est: Deus enim simul erat condens in eis naturam, & infundens gratiam: sed gratia esse nequit simul cum peccato: ergo Angeli, saltem de facto, non potuerunt peccare lethaliter in primo instanti.

Tertio. Tertiò, si Angeli potuerint peccare in primo instanti, verisimile non est, quin ex tanta multitudine saltem aliquis peccaret: at nullus de facto peccauit in primo instanti: ergo Angeli in primo instanti peccare non potuerunt.

Sententia Scotti Gallicorum contra 114. Contrarium, nempe Angelos peccare potuisse in primo instanti, affirmat Scottus in 2. dist. 5. q. 2. Gregorius eadem dist. q. 1. art. 2. Gabriel dist. 4. q. 1. art. 3. dub. 1. Maior dist. 1. q. 3. Marsilius q. 3. art. 2. concl. 3. Ochamus quodlib. 2. q. 6. & quidam alij. Ac sanè videtur id longè probabilius, probaturque potest. Primo, quoniam in primo instanti fuerunt in Angelis omnia, quæ satis erant, ut si vellet, peccare: ergo peccare in eo potuerunt. Consequenter est manifesta, antecedens vero probatur, quia habuerunt sufficientem cognitionem ex parte intellectus, & libertatem arbitrij ex parte voluntatis: deinde voluntas Angelii in instanti potest producere actum: hæc autem satis sunt, quando adsumt, ut pro sua libertate peccet quis, si velit.

Caetani & Ferrar. responsio. Secundò, Angeli omnes ex sententiâ D. Thomas meruerint in primo instanti: ergo habuerunt operationem liberam: sine libertate namque esse non potest meritorum: tunc ultra, ergo in primo instanti habuerunt operationem, que ipsis tribueretur: operatio quippe meritoria & libera, ea ex parte, quæ meritoria & libera est, ipsis etiam operanti, non vero soli auctori natura tribuitur: cum ergo, quia libertas sufficit ad merendum, sufficiens etiam sit ad peccandum, & potissima ratio, quia Diuus Thomas dicitur, ut dicat Angelos non potuisse peccare in primo instanti, sit quia omnis actio, quam in primo instanti habere potuerunt, tribueretur auctori naturæ: efficitur sanè, ut Angeli in primo instanti peccare potuerint.

Caetanus & Ferrariensis locis citatis respondent, Angelos in primo instanti potuisse quidem habere operationem liberam quo ad exercitium, non tamen quod sp̄ ciem actus, quin potius, si in eo instanti aliquam elicerent, eam necessariò futuram bonam, & nulla ratione malam: eò quod esset

A ab autore naturæ: quare cum libertas quoad exercitium sufficiat ad meritum, potuerunt mereri, inquit, in primo instanti, non tamen peccare.

Verum contra hoc possumus argumentari, quoniam Deus potuit impone præceptum affirmatum Angelis, ut in primo instanti elicerent eam operationem liberam quoad exercitium: & cum illa libera esset quoad exercitium, potuerunt pro sua libertate eam non elicere, etiam stante præcepto, alioquin stante præcepto non esset libera quoad exercitium: quare in primo instanti peccare potuerunt saltè peccato omissionis. Non desunt ex secedatoribus D. Thomæ, qui id concedant, arbitrenturque id nihil pugnare cum doctrina Divi Thomæ, quin potius dicunt idcirco Doctorem sanctum hoc loco in corpore articuli apposuisse illa verba: *impossibile fuit Angelum in primo instanti peccare per inordinatum actum liberi arbitrij: quod arbitratetur potuisse peccare peccato omissionis.* Caetanus tamen vniuersim negat potuisse peccare tam peccato omissionis, quam commissionis, & sanè ratio vim habet contra eum.

Angeli prima vitalis operatio non soli auctori naturæ ascribenda. Tertiò, licet ex Aristotelis & multorum aliorum sententiâ, genua & leui moueantur ad sua loca naturalia à generantibus, viuentia tamen, quæ talia sunt, atque ad eam quoad operationes suas vi tales, non mouentur à generante, auctoré naturæ, sed à seipso, ut 8. physicorum, dum de motu gravium & levium esset sermo, latè ostendimus, idque sectatores ipsi D. Thomæ affirmant: sed omnis operatio voluntatis, quam Angelus in primo instanti elicit, est operatio vitalis, & propria viuentis, quæ viuentis est: ergo nulla talis operatio tribuenda est præcisè conditori Angelorum, sed omnis tribuenda est ipsi Angelo, ac proinde corruit fundamentum, vnde autores contrarie sententiæ sibi persuadent, Angelum non potuisse peccare in primo instanti.

Quartò, sola illa mutatio, aut operatio tribuitur generanti, ut 8. physicorum loco citato ostendimus, per quam res genita perducitur ad suam dispositionem naturalē: sed Angelus productus est à Deo in sua naturali dispositione, neque operationibus sua voluntatis eam affequitur: ergo operationes Angelii in primo instanti non tribuuntur auctori naturæ, ac proinde corruit idem fundamentum.

Quinto, quando operatio aliqua tribuitur generanti, non solum quando primò fit, sed semper postea eidem tribuitur: ut motus ignis sursum, non solum quādū incipit, statim ac ignis generatur, sed etiam tempore postea quoties iterum, atque iterum fit, tribuitur generanti: si ergo operationes Angelii in primo instanti tribuerentur auctori naturæ, tribuerentur etiam semper postea in quocumque instanti fierent, ac proinde vel numquam Angelus posset peccare, vel peccatum illius tribueretur auctori naturæ, quod est absurdum.

Confirmatur hæc ratio, quoniam cum Angelus non fecit pendeat quoad sui conservationē a perpetuo influxu Dei, ac lumen productum à sole pender à perpetuo, minimeque interrupto influxu solis, quo illi totum suum esse (sed sine nouitate essendi) confert: sanè quamdiu Angelus conservatur, eodem modo accipit suum esse à Deo efficienter, quo illud accepit, quando primò fuit productus. Præterea voluntas Angelii, comparatione cuius obiecti in primo instanti est naturalis quoad speciem actus, semper est naturalis: & comparatione cuius obiecti est libera, vel quoad exercitium, vel quoad speciem actus, etiam in primo instanti est simili